

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo privrede



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
Министарство привреде

BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
Ministry of Economy

Tuzla, Maršala Tita do br.34, Lamela „B“ II i III sprat, tel.: +387 35 369-327 fax.: +387 35 369-332 e-mail: mp@tk.kim.ba web: vladatk.gov.ba, strategijarazvoja.tk.gov.ba

SMJERNICE ZA PODNOSIOCE PRIJAVA

za

JAVNI POZIV

za odabir korisnika grant sredstava sa pozicije „Podrška razvoju
Kantona“ za 2024. godinu

za

"Kapitalni transferi novoosnovanim MMSP i novoosnovanim obrtima"

Tuzla, oktobar 2024. godine

NAMJENA SREDSTAVA

Sredstva se mogu koristiti za finansiranje ili sufinansiranje nabavke **novе opreme i novih alata**. Nova oprema i novi alati koji se nabavljaju moraju biti namijenjeni osnovnoj djelatnosti koju podnosilac prijave obavlja. Troškovi koji se priznaju odnose se isključivo na direktne troškove nastale realizacijom nabavke nove opreme i novih alata, izuzev fiskalnih uređaja čiju nabavku refundira Ministarstvo finansija Tuzlanskog kantona po posebnom programu.

KORISNICI SREDSTAVA

Pravo na dodjelu sredstava imaju novoosnovani mikro, mali i srednji privredni subjekti definisani u skladu sa Zakonom o poticanju razvoja male privrede („Službene novine Federacije BiH“, br. 39/24) i Zakonom o privrednim društvima FBiH („Službene novine Federacije BiH“, br. 81/15 i 75/21), a koja su u većinskom privatnom vlasništvu sa sjedištem na području Tuzlanskog kantona i novoosnovani obrti registrovani u skladu sa Zakonom o obrtu i srodnim djelatnostima u FBiH („Službene novine Federacije Bosne i Hercegovine“, broj: 75/21) i Pravilnikom o popisu obrta („Službene novine Federacije Bosne i Hercegovine“, broj: 42/22) sa sjedištem na području Tuzlanskog kantona. **Podnosioci prijave moraju biti registrovani od 01.07.2023. godine do 30.09.2024. godine.**

USLOVI ZA DODJELU SREDSTAVA

Uslovi koje novoosnovani MMSP moraju ispuniti:

- registrovana djelatnost ne spada u oblast trgovine (izuzev grane 45.2 - Održavanje i popravak motornih vozila u skladu sa Klasifikacijom djelatnosti KDBiH 2010 („Službeni glasnik BiH", broj: 47/10)), turizma, ugostiteljstva, prevoza stvari, roba i putnika (izuzev grane 52.1 - Skladištenje robe), te proizvodnju oružja i vojne opreme, proizvodnju duhanskih proizvoda i alkoholnih pića, primarnu poljoprivredu izuzev prerađivačke djelatnosti, otvaranje kasina i drugih igara na sreću;
- su registrovani u skladu sa Klasifikacijom djelatnosti KDBiH 2010;
- su registrovani od dana 01.07.2023. godine do dana 30.09.2024. godine;
- uredno izmiruju direktne poreze, doprinose za PIO/MIO i zdravstveno osiguranje;
- uredno izmiruju indirektnе poreze, ukoliko su u sistemu PDV-a;
- su ostvarili pozitivno poslovanje (za podnosiocе prijava koji su registrovani u 2023. godini);
- do sada nisu ostvarili finansijska sredstva za predloženu namjenu iz drugog izvora.

Poslovne jedinice koje su registrovane od dana 01.07.2023. godine do dana 30.09.2024. godine na području Tuzlanskog kantona se neće smatrati novoosnovanim MMSP.

Uslovi koje novoosnovani obrti moraju ispuniti:

- registrovana djelatnost ne spada u oblast trgovine, turizma, ugostiteljstva, prevoza stvari, roba i putnika;
- su registrovani u skladu sa Klasifikacijom djelatnosti KDBiH 2010;
- su registrovani od dana 01.07.2023. godine do dana 30.09.2024. godine;
- su obrtnici koji svoju djelatnost obavljaju kao osnovnu djelatnost;
- uredno izmiruju direktne poreze, doprinose za PIO/MIO i zdravstveno osiguranje;
- uredno izmiruju indirektnе poreze, ukoliko su u sistemu PDV-a;
- do sada nisu ostvarili finansijska sredstva za predloženu namjenu iz drugog izvora.

KRITERIJI ZA IZBOR KORISNIKA SREDSTAVA:

KRITERIJ		BODOVI	IZVOR VERIFIKACIJE	
1.	Djelatnost koju MMSP/obrt obavlja	Prihvatljive djelatnosti iz područja B i C	5	Obavještenje o razvrstavanju pravnog lica prema klasifikaciji djelatnosti KDBiH 2010
		Prihvatljive djelatnosti iz područja D, E i F	3	
		Prihvatljive djelatnosti iz ostalih područja	1	
2.	Pripadnost osnivača/direktora MMSP ili vlasnika obrta ženskom rodu	DA	2	Lista osiguranih lica za obveznika izdata od Poreske uprave FBiH
		NE	0	
3.	Ravnomyerni regionalni razvoj (stepen razvijenosti JLS)	Kategorija IV i V (Čelić, Kalesija, Kladanj, Sapna, Teočak)	3	Rješenje o registraciji, Socio-ekonomski pokazatelji po općinama Federacije BiH za 2023. godinu
		Kategorija III (Banovići, Dobož Istok, Gračanica, Gradačac, Lukavac, Srebrenik, Živinice)	2	
		Kategorija II (Tuzla)	1	

Izbor korisnika grant sredstava vrši Komisija za odabir korisnika sredstava (u daljem tekstu: Komisija) koju imenuje ministar privrede u Vladi Tuzlanskog kantona (u daljem tekstu: Ministar privrede). Komisija na osnovu kriterija za bodovanje vrši bodovanje prispjelih prijava koje ispunjavaju uslove iz Javnog poziva.

U slučaju jednakog broja bodova prednost ima kandidat, po redoslijedu važnosti, koji je dobio više bodova po sljedećim kriterijima za bodovanje korisnika:

- a) Pripadnost osnivača/direktora MMSP ili vlasnika obrta ženskom rodu,
- b) Djelatnost koju MMSP/obrt obavlja.

U slučaju da i nakon provedene procedure dodatnog bodovanja korisnici imaju isti broj bodova, konačnu odluku donosi Ministar privrede na osnovu objektivnih pokazatelja.

Komisija sačinjava Preliminarnu rang listu korisnika sredstava i Listu podnosilaca čije su prijave neblagovremene, nepotpune i neosnovane, a koje se objavljuju na web stranicama Vlade Tuzlanskog kantona: <http://www.vladatk.gov.ba/> i Ministarstva privrede: <http://www.mptk.gov.ba/>. Na objavljene liste svi kandidati imaju pravo prigovora koji se podnosi Ministarstvu privrede u pisanoj formi, u roku od **pet dana** od dana objavljivanja listi na web stranicama Vlade Tuzlanskog kantona i Ministarstva privrede.

Nakon isteka roka za prigovor i nakon rješavanja po uložnim prigovorima, Ministar privrede na prijedlog Komisije donosi Konačnu rang listu korisnika sredstava sa pozicije „Podrška razvoju Kantona“ za 2024. godinu, koja se objavljuje na web stranicama Vlade Tuzlanskog kantona i Ministarstva privrede. Na osnovu Konačne rang liste korisnika sredstava Ministar privrede donosi pojedinačne odluke o odobravanju sredstava korisnicima. Sa odabranim korisnicima Ministarstvo privrede potpisuje pojedinačne ugovore. Na osnovu pojedinačnih odluka i potpisanih ugovora doznavaču se sredstva na transakcijski račun korisnika.

IZNOS SREDSTAVA

Sredstva za predmetne namjene dodjeljivat će se korisnicima maksimalno do:

- 5.000,00 KM (slovima: pethiljada konvertibilnih maraka) za novoosnovane MMSP,
- 2.500,00 KM (slovima: dvijehiljadeipetstotina konvertibilnih maraka) za novoosnovane obrte.

Komisija će izvršiti raspodjelu sredstava u skladu sa ostvarenim bodovima podnosioca prijava i raspoloživim sredstvima. U slučaju velikog broja podnosioca prijava koji ispunjavaju uslove Javnog poziva, a čiji ukupni zbirni zahtjevi prelaze iznos sredstava od 200.000,00 KM, na prijedlog Komisije, Ministar privrede ima pravo umanjiti pojedinačne iznose sredstava za dodjelu korisnicima, srazmjerno broju prijava koje ispunjavaju uslove Javnog poziva po ovom projektu.

Troškovi koji se priznaju odnose se isključivo na direktne troškove nastale realizacijom namjene projekta, izuzev neprihvatljivih troškova definisanih tačkom 6. iz poglavlja III. Opće odredbe Javnog poziva.

NAČIN PRIJAVE I POTREBNA DOKUMENTACIJA

Podnosilac prijave prilikom apliciranja na Javni poziv obavezno dostavlja:

Novoosnovani MMSP:

- Popunjen **Prijavni obrazac** koji se može preuzeti web stranicama Vlade Tuzlanskog kantona <http://www.vladatk.gov.ba/> i Ministarstva privrede <http://www.mptk.gov.ba/> potpisan od strane lica ovlaštenog za zastupanje i ovjeren pečatom podnosioca prijave;
- DOKUMENTACIJU:**
 - **Fotokopija** Rješenja o registraciji za MMSP - iz kojeg je vidljivo da je MMSP registrovan od 01.07.2023. godine do 30.09.2024. godine;
 - **Fotokopija** Aktuelnog izvoda iz sudskog registra, ne stariji od 90 dana od dana objave Javnog poziva (dostavljaju isključivo MMSP koji su registrovani od 01.07.2023. godine do 30.07.2024. godine);
 - **Fotokopija** Uvjerenja o poreznoj registraciji – ID broj;
 - **Original ili ovjerena fotokopija** Uvjerenja o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH, ne starija od 90 dana od dana objave ovog Javnog poziva (ne prihvataju se Uvjerenja po osnovu urednog izmirenja dospjelih rata po sporazumu o plaćanju duga u ratama potpisan sa Poreskom upravom Federacije BiH);
 - **Original ili ovjerena fotokopija** Uvjerenja o urednom izmirenju indirektnih poreza izdato od Uprave za indirektno oporezivanje, ne starija od 90 dana od dana objave ovog Javnog poziva (ukoliko je u sistemu PDV-a), odnosno **potpisana i ovjerena Izjava** od strane podnosioca prijave da nije u sistemu PDV-a, dostupna na web stranicama Vlade Tuzlanskog kantona i Ministarstva privrede uz Javni poziv (ne prihvataju se Uvjerenja po osnovu urednog izmirenja dospjelih rata po sporazumu o plaćanju duga u ratama potpisan sa Upravom za indirektno oporezivanje);
 - **Original ili ovjerena fotokopija** Liste osiguranih lica za obveznika izdata od Poreske uprave Federacije BiH, ne starija od 90 dana od dana objave Javnog poziva;
 - **Fotokopija** Obavještenja o razvrstavanju pravnog lica prema klasifikaciji djelatnosti KDBiH 2010;
 - **Fotokopija** Bilansa uspjeha za 2023. godinu sa ovjerom Finansijsko-informatičke agencije (samo za MMSP koji su registrovani u 2023. godini);
 - **Fotokopija** predračuna sa specifikacijom troškova, izdatog od poslovnog subjekta od kojeg se

- planira nabaviti nova oprema i/ili novi alati;
- **Fotokopija** kartona deponovanih potpisa (spesimen) ili drugi dokaz o broju transakcijskog računa podnosioca prijave kod banke;
 - **Izjava o neosuđivanosti i nevođenju postupka po osnovu privrednog kriminala** – popunjena i potpisana od strane lica ovlaštenog za zastupanje i ovjerena pečatom podnosioca prijave, te ovjerena od nadležnog upravnog organa ili notara (dostupna **IZJAVA I-1a** na web stranicama Vlade Tuzlanskog kantona i Ministarstva privrede uz Javni poziv);
 - **Izjava o nesudjelovanju u koruptivnim radnjama** – popunjena i potpisana od strane lica ovlaštenog za zastupanje i ovjerena pečatom podnosioca prijave, te ovjerena od nadležnog upravnog organa ili notara (dostupna **IZJAVA I-2a** na web stranicama Vlade Tuzlanskog kantona i Ministarstva privrede uz Javni poziv);
 - **Izjava o primljenim de minimis pomoćima i drugim državnim pomoćima** - popunjena i potpisana od strane lica ovlaštenog za zastupanje i ovjerena pečatom podnosioca prijave (dostupna **IZJAVA I-3** na web stranicama Vlade Tuzlanskog kantona i Ministarstva privrede uz Javni poziv);
 - **Izjava o realizaciji projekta** - potpisana od strane lica ovlaštenog za zastupanje i ovjerena pečatom podnosioca prijave (dostupna **IZJAVA I-4a** na web stranicama Vlade Tuzlanskog kantona i Ministarstva privrede uz Javni poziv).

Novoosnovani obrti:

- a) Popunjen **Prijavni obrazac** koji se može preuzeti web stranicama Vlade Tuzlanskog kantona <http://www.vladatk.gov.ba/> i Ministarstva privrede <http://www.mptk.gov.ba/> potpisan od strane vlasnika obrta ili ovlaštenog lica i ovjeren pečatom podnosioca prijave;
- b) **DOKUMENTACIJU:**
- **Fotokopija** rješenja o odobravanju obavljanja obrta i **fotokopije** rješenja kojima su vršene izmjene (ukoliko je istih bilo), koji su izdati od nadležnog organa i iz kojeg/ih je vidljivo da je obrt registrovan od 01.07.2023. godine do 30.09.2024. godine u skladu sa Zakonom o obrtu i srodnim djelatnostima FBiH („Službene novine Federacije Bosne i Hercegovine“, broj: 75/21), te da posluje u osnovnoj djelatnosti;
 - **Fotokopija** Uvjerjenja o poreznoj registraciji – ID broj;
 - **Fotokopija** Obavještenja o razvrstavanju pravnog lica prema klasifikaciji djelatnosti KDBIH 2010;
 - **Original ili ovjerena fotokopija** Uvjerjenja o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave Federacije BiH, ne starija od 90 dana od dana objave ovog Javnog poziva (ne prihvataju se Uvjerjenja po osnovu urednog izmirenja dospjelih rata po sporazumu o plaćanju duga u ratama potpisan sa Poreskom upravom Federacije BiH);
 - **Original ili ovjerena fotokopija** Uvjerjenja o urednom izmirenju indirektnih poreza izdato od Uprave za indirektno oporezivanje, ne starija od 90 dana od dana objave ovog Javnog poziva (ukoliko je u sistemu PDV-a), odnosno **potpisana i ovjerena Izjava** od strane podnosioca prijave da nije u sistemu PDV-a, dostupna na web stranicama Vlade Tuzlanskog kantona i Ministarstva privrede uz Javni poziv (ne prihvataju se Uvjerjenja po osnovu urednog izmirenja dospjelih rata po sporazumu o plaćanju duga u ratama potpisan sa Upravom za indirektno oporezivanje);
 - **Original ili ovjerena fotokopija** Liste osiguranih lica za obveznika izdata od Poreske uprave Federacije BiH, ne starija od 90 dana od dana objave Javnog poziva;

- **Fotokopija** predračuna sa specifikacijom troškova, izdatog od poslovnog subjekta od kojeg se planira nabaviti nova oprema i/ili novi alati;
- **Fotokopija** kartona deponovanih potpisa (spesimen) ili drugi dokaz o broju transakcijskog računa podnosioca prijave kod banke;
- **Izjava o neosuđivanosti i nevođenju postupka po osnovu privrednog kriminala** – popunjena i potpisana od strane vlasnika obrta ili ovlaštenog lica, te ovjerena pečatom obrta i ovjerena od nadležnog upravnog organa ili notara (dostupna **IZJAVA I-1b** na web stranicama Vlade Tuzlanskog kantona i Ministarstva privrede uz Javni poziv);
- **Izjava o nesudjelovanju u koruptivnim radnjama** – popunjena i potpisana od strane vlasnika obrta ili ovlaštenog lica, te ovjerena od nadležnog upravnog organa ili notara (dostupna **IZJAVA I-2b** na web stranicama Vlade Tuzlanskog kantona i Ministarstva privrede uz Javni poziv);
- **Izjava o primljenim de minimis pomoćima i drugim državnim pomoćima**- popunjena i potpisana od strane vlasnika obrta ili ovlaštenog lica, te ovjerena pečatom obrta (dostupna **IZJAVA I-3** na web stranicama Vlade Tuzlanskog kantona i Ministarstva privrede uz Javni poziv);
- **Izjava o realizaciji projekta** - potpisana od strane vlasnika obrta ili ovlaštenog lica i ovjerena pečatom obrta (dostupna **IZJAVA I-4a** na web stranicama Vlade Tuzlanskog kantona i Ministarstva privrede uz Javni poziv).

Navedenu dokumentaciju potrebno je priložiti uz Prijavni obrazac. Na kraju Prijavnog obrasca obavezno navesti mjesto, datum i potpis vlasnika obrta ili ovlaštenog lica, te ovjeriti pečatom podnosioca prijave.

Ukoliko prijavni obrazac i tražene izjave potpisuje lice koje u sudskom registru nije navedeno kao lice ovlašteno za zastupanje ili lice koje nije vlasnik obrta, potrebno je uz prijavu priložiti i punomoć/ovlaštenje za potpisivanje istih.

Obzirom da će se prijave na Javni poziv bodovati na osnovu dostavljenog Prijavnog obrasca i prateće dokumentacije, Komisija ima pravo provjere svih podataka navedenih u prijavnom obrascu i dostavljenoj dokumentaciji, kao i da u cilju provjere istih zatraži pojašnjenja ili dodatnu dokumentaciju od podnosioca prijave.

Način podnošenja prijave

Prijave se dostavljaju zaključno sa danom 15.11.2024. godine, odnosno prihvatit će se prijave koje imaju poštanski pečat najkasnije sa navedenim datumom. Prijave koje su predate nakon isteka navedenog roka će biti odbačene i neće biti predmet daljeg razmatranja.

Prijave sa odgovarajućom dokumentacijom, šalju se preporučeno poštom u zapečaćenim kovertama ili lično na adresu:

Ministarstvo privrede Tuzlanskog kantona
Pisarnica Vlade TK, Fra Grge Martića 8, 75000 Tuzla,
NE OTVARATI – Prijava po Javnom pozivu za odabir korisnika grant sredstava sa pozicije „Podrška
razvoju Kantona“ za 2024. godinu
 sa napomenom:
Projekat: „Kapitalni transferi novoosnovanim MMSP i novoosnovanim obrtima“

Na poledini koverta obavezno navesti:

- Naziv – ime podnosioca prijave;
- adresu i kontakt telefon;
- ovjeriti pečatom podnosioca prijave.

Prijave će biti odbačene i neće biti predmet daljeg razmatranja ako:

- su neblagovremene,
- nemaju sve sadržajne elemente,
- ne ispunjavaju uslove Javnog poziva.

Pravo učestvovanja

Korisnici poticajnih sredstava koji nisu izvršili ranije preuzete obaveze po osnovu korištenja poticajnih sredstava Ministarstva privrede, nemaju pravo učestvovanja na Javnom pozivu, odnosno njihove prijave se neće uzeti u razmatranje.

Podnosioci prijave mogu podnijeti **samo jednu prijavu** po Javnom pozivu. U slučaju više prijave istog podnosioca sve prijave će biti odbačene i neće biti predmet daljeg razmatranja.

Izještavanje o utrošku sredstava

Korisnici sredstava obavezni su dodijeljena sredstva koristiti namjenski i dužni su dostaviti izvještaj na propisanom obrascu „Format izvještaja“ sa kompletnom dokumentacijom kojom se dokazuje namjenski utrošak sredstava za cijeli program, najkasnije u roku od 90 dana od dana doznake sredstava na račun korisnika.

Ministarstvo vrši nadzor namjenskog trošenja sredstava odobrenim korisnicima na osnovu dostavljenih izvještaja, a po potrebi i neposrednim uvidom kod korisnika sredstava. Za tu namjenu kao polazište se koriste valjani izvori verifikacije navedeni u samoj prijavi.

U slučaju nenamjenskog utroška sredstava, Ministarstvo pokreće postupak za vraćanje istih.

Dokumentacija koja dokazuje namjenski utrošak sredstava mora biti **u originalu ili ovjerenoj kopiji (računi/fakture, fiskalni računi, izvod iz banke/uplatnice** kao dokaz o izvršenom plaćanju računa (ovjerene od strane banke), **ugovor o nabavci opreme i alata** ukoliko su zaključeni i dr.).

Korisnicima poticajnih sredstava odobrenih od strane Ministarstva će biti priznate samo uplate izvršene nakon objave Javnog poziva.

Sa podnosiocima odobrenih prijave Ministarstvo zaključuje ugovore, kojima će se definisati međusobna prava i obaveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih.

Broj: 03/1-11-29737-6/24
Tuzla, 31.10.2024. godine

MINISTAR

Edin Duraković, dipl. pravnik